

<b>LEMBARAN MAKLUMAT PRODUK</b> (Sila baca Lembaran Maklumat Produk ini sebelum anda membuat keputusan untuk memohon Kad Debit Alliance Bank atau Kad Debit-i Alliance Islamic Bank. Pastikan anda juga membaca Terma dan Syarat Am yang terdapat di laman web kami di <a href="http://www.alliancebank.com.my">www.alliancebank.com.my</a> .)	<b>ALLIANCE BANK MALAYSIA BERHAD</b>  <b>KAD DEBIT ALLIANCE BANK</b>  <b>KAD DEBIT-i ALLIANCE ISLAMIC BANK</b>
---	--

**1. Apakah produk ini?**

Kad Debit Alliance Bank ("Kad Debit") dan Kad Debit-i Alliance Islamic Bank ("Kad Debit-i") adalah kemudahan pembayaran merangkap kad Mesin Juruwang Automatik ("ATM") yang membolehkan anda membuat bayaran bagi barangan dan perkhidmatan dari akaun deposit anda di rangkaian peruncit dan perkhidmatan yang mengambil bahagian. Kad Debit atau Kad Debit-i ini juga membolehkan anda mengeluarkan wang di mana-mana mesin ATM di seluruh dunia. Anda dikehendaki untuk mengekalkan satu akaun deposit yang berkelayakan dengan kami untuk dihubungkan ke Kad Debit atau Kad Debit-i anda. Sekiranya anda menutup akaun deposit yang berkelayakan anda dengan kami, anda tidak boleh melaksanakan sebarang transaksi menerusi Kad Debit atau Kad Debit-i anda.

Kad Debit-i adalah berdasarkan konsep Syariah iaitu Ijarah (sewa) yang bermaksud kontrak sewa atau upah untuk aset atau perkhidmatan pada kadar sewa/upah dan tempoh yang telah ditetapkan. Dalam konteks Kad Debit-i, ia merujuk kepada Pemegang Kad bersetuju untuk menyewa kemudahan dan perkhidmatan kad dari pihak Bank dengan bayaran Ujrah (yuran) tahunan dan penggunaan Kad Debit-i tersebut adalah tertakluk kepada Terma dan Syarat Am berkenaan yang terdapat di laman sesawang Bank atau seperti yang terkandung di sini.

**2. Apakah yuran dan caj yang perlu saya bayar?**

Yuran Pengeluaran/ Yuran Tahunan Kad*	RM12.72 (untuk akaun Hybrid/Hybrid-i) RM8.48 (untuk akaun lain)
Yuran Penggantian Kad	RM12.00 (untuk akaun Hybrid/Hybrid-i) RM8.00 (untuk akaun lain)
Pengeluaran tunai MEPS di: • Bank-bank tempatan lain* • Bank-bank asing yang diperbadankan di Malaysia*	RM1.06 setiap transaksi RM4.24 setiap transaksi
Yuran Cetakan Semula Draf Jualan*	RM21.20 setiap salinan
Pengeluaran tunai CIRRUS*	RM8.48 setiap transaksi
Pertanyaan baki CIRRUS*	RM1.06 setiap transaksi
Yuran Penukaran Transaksi Luar Negara	Transaksi yang dibuat dalam mata wang asing akan ditukarkan ke Ringgit Malaysia pada kadar dan caj penukaran seperti yang ditentukan oleh MasterCard atau Visa dan termasuk 1% penukaran wang asing yang dikenakan oleh Alliance Bank.

\*Termasuk Cukai Barangan dan Perkhidmatan ("GST") pada kadar 6%, kecuali dinyatakan sebaliknya.

**3. Apakah terma dan syarat utama?**
**Pra-kebenaran di Pam Minyak Automatik ("Pam Layan-Diri")**

- Amaun pra-kebenaran berjumlah RM200.00 ("Amaun Pra-kebenaran") diperlukan untuk transaksi petrol di pam layan-diri. Amaun Pra-kebenaran akan ditahan sementara dari baki sedia ada dalam akaun deposit anda sebelum petrol diisi.
- Amaun Pra-kebenaran ini kemudiannya akan dikosongkan dalam tempoh tiga (3) hari dan amaun sebenar transaksi petrol akan didebitkan dari akaun deposit anda.
- Secara alternatif, anda boleh membuat bayaran untuk transaksi petrol di kaunter juruwang untuk mengelakkan pegangan Amaun Pra-kebenaran.

**Pulangan Tunai untuk Pembelian Runcit di Luar Negara**

Jenis Kad	Alliance Hybrid Standard	Alliance AP Platinum	Alliance PB Platinum
Pulangan Tunai	Pulangan Tunai 1.0%	Pulangan Tunai 1.5%	Pulangan Tunai 2%
Had	RM50 sebulan	RM100 sebulan	RM200 sebulan

Pulangan Tunai akan dikreditkan ke dalam akaun deposit anda berdasarkan kitaran penyata.

**Fungsi Tanpa Sentuh**

- Satu cara pantas, senang, mudah dan selamat dengan hanya satu cuitan di pembaca tanpa sentuh apabila diminta.
- Had tanpa sentuh ditetapkan pada RM250. PIN tidak diperlukan untuk sebarang transaksi berjumlah bawah RM250 di Malaysia, namun PIN diperlukan bagi transaksi RM250 dan ke atas. Anda mempunyai pilihan untuk menetapkan had pilihan untuk had terkumpul harian dan had transaksi.
- Anda boleh melumpuhkan ciri tanpa sentuh dan pilih had tanpa sentuh anda melalui mana-mana cawangan Alliance Bank, ATMs atau hubungi pusat hubungan di talian 03-55169988.

**4. Bagaimanakah sekiranya saya gagal menunaikan tanggungjawab saya?**

- Anda tidak akan bertanggungjawab untuk transaksi tidak dibenarkan kad dikemukakan yang memerlukan pengesahan PIN atau tandatangan atau penggunaan Kad Debit tanpa sentuh, DENGAN SYARAT ANDA TIDAK:
  - melakukan penipuan
  - lewat dalam memaklumkan pihak Bank dengan secepat mungkin selepas menyedari akan kehilangan atau penggunaan tanpa kebenaran Kad Debit anda.
  - secara sukarela mendedahkan PIN kepada orang lain
  - merekodkan PIN di atas Kad Debit atau di atas apa-apa yang disimpan berdekatan dengan Kad Debit.
  - meninggalkan Kad Debit atau barangan yang mengandungi Kad Debit tanpa pengawasan di tempat-tempat yang boleh dilihat dan diakses oleh orang lain, atau secara sukarela membenarkan orang lain untuk menggunakan Kad Debit anda.
- Anda hendaklah memaklumkan pihak Bank dengan serta merta apabila menerima khidmat pesanan ringkas (SMS) amaran transaksi sekiranya transaksi tersebut adalah transaksi tidak dibenarkan.

**5. Apakah risiko utama?**

Anda tidak harus sesekali mendedahkan butiran Kad Debit atau Kad Debit-i atau nombor PIN kepada pihak lain dan seharusnya menyimpan butiran tersebut dengan anda pada setiap masa dan mengambil langkah berhati-hati atau berjaga-jaga bagi mengelakkan kehilangan dan/atau penyalahgunaan Kad Debit atau Kad Debit-i dan nombor PIN anda.

Sekiranya Kad Debit atau Kad Debit-i anda hilang atau dicuri, anda harus memaklumkan pihak kami dengan kadar segera di talian 03-5516 9988 untuk menyekat Kad Debit atau Kad Debit-i anda yang telah hilang atau dicuri.

**6. Apakah yang perlu saya lakukan sekiranya terdapat sebarang perubahan kepada maklumat perhubungan saya?**

Adalah penting untuk anda memaklumkan kami tentang sebarang perubahan maklumat perhubungan anda untuk memastikan segala surat-menyurat diterima tepat pada masanya. Anda boleh mengunjungi mana-mana cawangan kami untuk mengemaskini maklumat perhubungan anda.

**7. Di manakah boleh saya dapatkan maklumat lanjut?**

Sekiranya anda mempunyai sebarang pertanyaan, sila hubungi kami di talian 03-5516 9988 atau layari [www.alliancebank.com.my](http://www.alliancebank.com.my) atau kunjungi mana-mana cawangan Alliance Bank di seluruh negara.